

2164

2164

241

4 - 83

10/01

ՍՈՒՐԲ ՀՈԳԻՆ **(24)**

ԸՆԴՈՒՆԵԼՈՒ ՊԱՅՄԱՆՆԵՐԸ

ԹԱՏ · ՏՐ · ՏԵԶՎԻՏ ԿՐԵԿ

մարգ սուրբ նշարտ յիլիս ստ հ մասն 318 և 14 կառու առ
316 տարի միջի և 392 նորմա ու քաշտամած սիլե տեր առնշար
մարգ Ամրիկան մայութ շրկու թրֆն տարի առներ բար առնշար

ԿՈՍՏԱՆԴՆՈՒՊՈԼԻՍ

ՏՊԱԳՐՈՒԹԻՒՆ Ա. Յ. ՊՈՅԱՃԵԱՆ

1900

2001

241
4-83

241
4-83

ՍՈՒՐԲ ՀՈԳԻՆ

ԸՆԴՈՒՆԵԼՈՒ ՊԱՅՄԱՆՆԵՐԸ



ԹԱՏ · ՏՐ · ՏԵԶՎԻՏ ԿՐԵԿ

معارف عموميہ نظارت جيله سنك و رمضان ۳۱۸ و ۱۴ كانون اول
٣٩٢ تاریخی و نومروی رخصتنامہ سیله نشر اوپنیشدر

مسارق آمریقان مسیونر شرکتی طرفندن تسویہ اوونه رق طبع اوپنیشدر

ԿՈՍՏԱՆԴԻՆՈՒՊՈԼԻՍ

ՏՊԱԳՐՈՒԹԻՒՆ Ա. Յ. ՊՕՅԱԶԵԱՆ

1900

ՍՈՒՐԲ ՀՈԳԻՆ

ԸՆԴՈՒՆԵԼՈՒ ՊԱՅՄԱՆՆԵՐԸ

“Բոաւ անոնց, Երբոր հաւատացիք՝ Սուրբ Հոգին առիք արդեք.” Գոր. Ժ.թ. 2:

Պօղոս առաքեալին՝ Եփեսոսի մէջ դտած տամներկու աշակերտներուն ուղղած այս հարցումը շատ տարօրինակ կը թուի մրգի, երբ առաջին անգամ անոր կը հանդիպինք։ Մենք մեզի կը հարցնենք. Ի՞նչպէս կրնային այս մարդիկ առանց Սուրբ Հոգին աշակերտ ըլլալ։ Սակայն այս տամներկու մարդիկը աշակերտ կը կոչուին. անոնց ամէն մէկը հաւատացեալներ են։ Վասն որոյ, անոնց ամէն մէկը Սուրբ Հոգւոյն ներգործիչ զօրութեանց ենթակայ եղած են։ Հարցումը տարօրինակ է, սակայն պատասխանը աւելի տարօրինակ է։ Տամներկուքը կը պատասխաննեն առաքեալին։ “Մենք լսած ալ չենք թէ Սուրբ Հոգի կայ։” Սուրբ Հոգւոյն միջոցաւ նորոգուած ըլլալ և նոյն քատեն չգիտնալ թէ Սուրբ Հո-



39368-67

52644-16-1

զի կայ։ Զարմանալի։ շա՛տ զարմանալի։ Ի՞նչ
կը նշանակէ այս։ Ի՞նչ է ասոր բացատրու-
թիւնը։ Բացատրութիւնը շատ պարզ է։ Հար-
ցումը և պատասխանը մեկնուելու են երկու
կողմերուն փորձառութիւններով, և անոնց
երկոյժով։

Այս տասներկու մարդիկը աշակերտներն
եղած էին Յովհաննէս Մկրտչին, որ կը քա-
րողէր ապաշխարութիւն մեղքէ և փրկութիւն
Քրիստոսի միջոցաւ որ քիչ ետքը պիտի գար։
Քրիստոսը քարոզած ատեն Յովհաննէս ըստ
թէ Երր Քրիստոս գայ, իր աշակերտները
պիտի մկրտէ Հոգւով Սրբով և կրակով։ Խոս-
տացաւ թէ Քրիստոս պիտի օրհնէր իր ե-
կեղեցին Պէնտէկոստէի օրհնութիւններով։
Պօղոսի հարցումը միայն սա է։ “Ընդունած
էք այս մեծ խոստումին կատարումը։ Ընդու-
նած էք Հոգւոյն կանխաձայնուած ներդոր-
ծութիւնը և կանխաձայնուած սուրբ կրակը։
Պէնտէկոստէն ձեր սրտին ու կենաց մէջն
է” Անոնք պատասխանեցին։ “Պէնտէկոստէն
տակաւին մեր վրայ չէ հասած։ տակաւին
չենք լսած այդ օրը պատահած զարմանալի
դէպքերուն վրայով։” Յայնժամ Պողոս անոնց
պատմեց Հոգւոյն զօրութեամբ հեղման զար-
մանալի և փառաւոր պատմութիւնը, և հրա-

հանգեց զանոնք իրենց մեծ առանձնաշնոր-
հութիւններուն նկատմամբ։ Արդիւնքը սա ե-
ղաւ որ Պէնտէկոստէն անոնց եկաւ այդ վայր-
կեանին և անմիջապէս անոնք ընդունեցին
Սուրբ Հոգւոյն զօրութիւնը։

Այս կարևորագոյն հարցումը իւրաքան-
չիւրիս կ'ուղղուի հիմա. “Քու կենացդ մէջ
Պէնտէկոստէի օր մը եղած է։ Քու մէջդ ու-
նի՞ս ներգործող Սուրբ Հոգին և անոր զօրու-
թիւնը։ Հարցումը չէ թէ Դարձի եկած ես,
Քրիստոսի կը հաւատա՞մ։ այլ սա, իբրև
դարձի եկած մարդոց և կանանց մէջ՝ ձեր մէջ
կը բնակի՞ Քրիստոսի Հոգին իւրև զօրութեան
Հոգին։ Ուրիշ բան է Քրիստոնեայ ըլլալ և ուրիշ
բան է զօրութեան տէր Քրիստոնեայ ըլլալ։
Քրիստոնեաներ կան, +բարոնեաներ ալ կան։ Ե-
րուսաղեմի վերնատունը հաւաքուած հարիւր
քսան անձինք Պէնտէկոստէէն առաջուան քրիս-
տոնեաներ էին։ Ասոր տարակոյս չկայ։ Կը
հաւատային Յիսուսի. դարձի եկած էին.
սակայն Պէնտէկոստէէն ետև տարբեր քրիս-
տոնեաներ եղան։ Պէնտէկոստէէն առաջ
մնուցուելու և առաջնորդուելու էին։ Պէն-
տէկոստէէն ետև զայլս առաջնորդեցին։ Ա-
նոնց կենաց մէջ Պէնտէկոստէ կը նշանակէր
հաղարաւորներու դարձի գալը, խաչին փա-

ռաւորուիլը և հաւատացուիլը, Նոր կտակա-
րանին գրուիլը, եկեղեցիներու կանգնուիլը,
նոյն իսկ մեծ Քրիստոնէութեան հիմուիլը և
հաստատուիլը, և Հազարամեան դարուն մօ-
տենալը։ Աւելորդ է հոս կայնիլ և ցուցնել
թէ առանց Աստուծոյ Հոգւոյն կրօնական
կեանքը չունի զօրութիւն։ Այդ կէտը արդէն
իսկ լուսաբանած և պարզած եմ քարոզով
մը։ Գիտէք այդ կէտին գերագոյն լուսաբա-
նութիւնը — նոյն ինքն Յիսուս Քրիստոս։ Մին-
չև իսկ նա, դեռ Սուրբ Հոգւով չմկրտուած,
բաղդատաբար զօրութիւն չունէր։ Յովիշան-
նեսի ձեռքով իր մկրտուելուն ատենը Հոգին
ամէն չափէ վեր իր վրայ իջնալէն ետքն էր
որ եղաւ խաչին Քրիստոսը և պատմութեան
Քրիստոսը։ Երկար ատենէ հետէ կաշկան-
դուած կարողութիւններ, չգործածուած կա-
րողութիւններ, քակուեցան և արձակուեցան
իր մէջ այն վայրկեանին երբ Սուրբ Հոգին
անոր վրայ եկաւ, և նա անմիջապէս սկսաւ
խօսիլ իր այն զարմանալի խօսքերը, և ընել
իր այն զարմանալի դործերը և ապրիլ այն
վեմ ու կատարեալ կեանքը որ անկէ ի վեր
օրհնած են զաշխարհ։ Զօրութեան Քրիստոսն
է Սուրբ Հոգւով լեցուած Քրիստոսը։ Հոգւով
լեցուած Քրիստոսն է բազմապատկուած և

իր անձնական զօրութեամբ մագնիսական և
ներշնչել և ամենալօր եղած Քրիստոսը։
Մենք ի՞նչպէս կրնանք իբրև Քրիստոնեաներ
ընդունիլ Սուրբ Հոգւոյն ներգործութիւնը որ
ըրաւ մեր Տէրը այսպիսի զօրութիւն մը։ Ի՞նչ
են Աստուծոյ Հոգին ընդունելու պայմաննե-
րը։ Ի՞նչ միջոցներ ձեռք առնելու ենք Աստ-
ուածային զօրութիւն ձեռք բերելու համար։
Կան եղանակներ և միջոցներ և պայմաններ
որ բոլորովին անսխալ են։ Որո՞նք են։

Ամէն զօրութիւն կը գործէ մամնաւոր օ-
րէնքներու համաձայն, և այս օրէնքները յար-
գելու ենք եթէ կ'ուղենք ստանալ զօրութիւն
մը։ պայմաններուն վերահասու ըլլալու և հա-
մակերպելու ենք։ Զաղացքին առուին մէջ
զօրութիւն կայ։ սակայն եթէ կ'ուղենք որ
այդ զօրութիւնը գործել տայ մեր Զաղացքը,
պարտիմք գոհացնել քանի մը պայմաններ։
պարտիմք հոգ տանիլ որ Զաղացքին անխւը
այնպիսի դիլք մը ունենայ որ ջուրին հոսան-
քը իր ամբարեալ զօրութեամբ անոր վրայ
իյնայ։ Երբ զայս կ'ընենք՝ պիտի ձեռք բե-
րենք աղնիւ ալիւր և կեանք տուող հացը։

Պտըտէ արուեստահաննդէսի մը մեքենա-
ներու սրահին մէջ ուր զետեղուած են բոլը
քաղաքակրթեալ երկիրներէ զրկուած մեքե-

նաներ։ Այն բոլոր մեքենաներն ալ կը դործեն և կը կատարեն ամէն տեսակ դործ։ Ոմանք կը մանեն ամենանուրը մետաքս թելեր։ Ուրիշներ կը փաթթեն պողպատէ խոշոր պարաններ։ Ոմանք կը շինեն և կը յդկեն և կը արեն ընտիր ասեղներ։ Ուրիշներ ժամացոյցի մազանման փափուկ զսպանակներ կը դալարեն։ Ոմանք պողպատի կտորներ կը կտրեն և զանոնք մայրի ծառի ատաղձի նման դարձնելով իրենց ուղած ձեզ կու տան անոնց, տաշեղները ամէն կողմ թոցնելով։ Ուրիշներ կը դործածեն ծանր, ահագին մուրճեր, իբրև թէ խաղալիկներ ըլլային։ Տեսարանը հետաքրքրաշարժ է։ Սակայն ո՞ւր և ի՞նչ է զօրութիւնը որ դործել կու տայ այս անթիւ մեքենաներուն։ Հոն, շէնքին մէջտեղը, կրնաս տեսնել զայն։ Զանոնք շարժող զօրութիւնն է այդ վիթխարի ֆորիսեան մեքենան, որ կը վերցնէ ու կ'իջեցնէ իր լծակները, և անձայն անշուկ կը դարձնէ իր յարաշարժ անիւը։ Անկէ ամէն կողմ թերես երկուքուկէս միզն կ'երկնան առանցքներ ու փոկեր որ անոր զօրութիւնը կը բաշխեն ամէն կողմը։ Բաւական է որ մարդ իր մեքենաները բերէ աշխարհի ունէ կողմէն, այդ սրահը դնէ, այդ զօրութիւնը անոնց հաղոր-

դէ, և իր մեքենաները պիտի կատարեն ամէն դործ որոց յարմարութիւն ունին, ըլլայ ահագին պողպատի կտորներ յդկեալ գլաններու փոխել, ըլլայ ժամացոյցի փափուկ զսպանակ դալարել։ Սուըբ Հոգւոյն զօրութիւնը մեզի կ'առաջարկուի։ Մեր գլուխներուն վերեն է այն, ուր որ ըլլայ մեր աշխատութեան դաշըր։ Միայն վեր երկնալու և առնելու ենք զայն։ Մեր արամադրութեան ներքե դրուած է, և զայն կրնանք դործածել ամէն չափով որով կարելի է մեզ դործածել զայն։ ՄԵ՞ծ ձեռնարկներ կան մեր առջև թէ փոքր։ Փափո՞ւկ դործեր՝ թէ դժուար դործեր։ այս մեզի առաջարկուած ոյժը բոլորն ալ կրնայ կատարել և բոլորին ալ կը յարմարի։

Աստուած մարդուն հայթայթած է ֆիզիքական զօրութիւն — բնութեան ոյժերը։ սեպերը, լծակը, պողպատեայ զսպանակը, մեքենայով շարժող մուրճը, կազերը, պայթուցիկ նիւթերը, քիմիական խնամութիւնները, տաքութիւն և շփում, վազող ջուրը, հովը, ճնշուած օդը, շողին և ելեկտրականութիւնը, և ուրիշ բաներ որ գրեթէ անհաջուելի ծառայութիւններ կ'ընեն։

Այս ոյժերը անդադար դործածելով մարդերկրիս գրայ իր դործելու փիզիքական կա-

բողութիւնը հազարապատիկ աւելցուցած է :

Մարդ թող, նոյն կերպով, գործածէ հոգեսոր զօրութիւնը զոր Աստուած իր տրամադրութեան ներքեւ կը դնէ : Սուրբ Հոգւոյն այս ամենազօր օգնութիւնը, եթէ ձեռք ձգուի և մարդուն համար կարելի մեծագոյն չափով գործածուի, անոր հոգեսոր աշխատութեան զօրութիւնը յանհունս պիտի բազմապատկուի : Թիւերը չեն կրնար ցուցնել, ոչ ալ ուսողութիւնը կրնայ չափել ոյժը որով Աստուծոյ Եկեղեցին կրնայ հագուիլ, կամ որով անհատ քրիստոնեան կրնայ օժտուիլ՝ ընդունելով Սուրբ Հոգւոյն զօրութիւնը որ մեզի կ'առաջարկուի :

Ի՞նչպէս կրնանք այս զօրութիւնը մերն ընել, այս է խնդիրը : Ոհ, ի՞նչ օրհնեալ է Սուրբ Հոգւոյն հովանաւորութիւնը :

Հոս պիտի թուեմ մէկ քանին այն պայմաններէն առանց որոյ անկարելի է հոգեկան զօրութիւն, այլ անոնցմով կու գայ հոգեկան զօրութիւնը : Առաջին պայմանը զոր պիտի յիշեմ, սա է .

1. Պէտք է «բ էրաւնիւն» «նեւնայ ժիրաւնիւն» ճը, հարաբեաւ ժիրաւնիւն ճը, նէ Աստուած առնիւն ին սղասէ մէռի առլու համար իր Սուրբ Հոգւն :

Այս մասին գիտութիւնը զօրութիւն ստա-

նալու առաջին պայմանն էր այս Եփեսացի տամներկու աշակերտներուն համար : Անոնք կ'ապրէին առանց Սուրբ Հոգւոյն զօրութեան . ինչու : Վասն զի չէին գիտեր թէ Պէնտէկոստէն եկած էր : Վասն զի չէին գիտեր թէ Պէնտէկոստէն ի՞նչ բերած էր Եկեղեցոյն : Վասն զի չէին գիտեր թէ Պէնտէկոստէն կարելիութիւն մըն էր իրենց համար : Սուրբ Հոգին ընդունելու համար անոնց առած առաջին քայլն էր Երուսաղեմի վերնատան մէջ հաւաքուող հարիւր քսան անձանց պատահած դէպքին պատմութեան ակնածութեամբ և անձկանօք մտիկ ընել ու հաւատալ : Իրենց Տէրոջ հրամանին համեմատ հոն սպասել, հոն աղօթել, իրենց ամէն ըրածին մէջ միաբան ըլլալ, սաստկաշունչ հովի ձայնը, հրեղէն լեզուներու երևնալը, կրակին իւրաքանչիւրին հոգւոյն մէջ մտնելը, և այն փառաւոր արդիւնքները որ յառաջ եկան, այսինքն՝ հաւատացեալներուն փոխուիլը որոնք ատկէ առաջ տկար, վարանոտ և երկմիտ էին, և որոնք սակայն այս ժամանակէն սկսեալ նուիրագործուեցան, յարձակողական և միշտ գործունեայ ոգի մը ստացան և զօրութեամբ լրցուեցան : Տասներկու Եփեսացի աշակերտներուն առաջին պայմանն էր գիտութիւն .

կատարեալ գիտութիւն՝ թէ Հոգւոյն զօրութիւնը կարելի էր գիւրաւ ձեռք բերել. գիտութիւն՝ թէ երբ Սուրբ Հոգին մարդու մը մէջ բնակի, ի՞նչ կ'ընէ անոր համար և անոր միջոցաւ:

Արդ, այս Եփեսացւոց առաջին կարօտութիւնն է նաև որ առաջին կարօտութիւնը — գիտութիւն. գիտութիւն՝ թէ Պէնտէկոստէն բան մըն է որ կրնայ շարունակուիլ, կրկնուիլ և կրկնապատկուիլ: Նոր կտակարանին մէջ մէկէ աւելի Պէնտէկոստէ կայ: Պէնտէկոստէ մը կայ Երուսաղեմի վերնատան մէջ: Պէնտէկոստէ մը կայ կոռնելիոսի տան մէջ ուր Քրիստոնեայ Եկեղեցւոյն դռները լայն բացուածեն կուապաշտ աշխարհը ներս ընդունելու: Պէնտէկոստէ մը կայ մեր բնաբանին պատմութեան մէջ, որ պատահեցաւ Եփեսոս կուապաշտ քաղաքին մէջ: Պէնտէկոստէն շարունական կարելիութիւն մըն է: Գիտե՞նք զայս: Գիտե՞նք թէ թէպէտ մեծ բան է դարձի դալ, դարձի դալէն աւելի մեծ բան մը կայ: Մեր շուրջը կը տեսնենք մարդիկ և կիներ որ տարակոյս չունին թէ փրկուած են. անտարակոյս երկինք պիտի համանին, սակայն տկար մարդիկ և տկար կիներ են. Սոդոմ բնակող Դովտին պէս են. բան մը չեն արժեր

աղօթելու զօրութեան, գործելու զօրութեան, վկայելու զօրութեան մասին: Իրենց հետ մէկը պիտի չտանին երկինք, մինչև իսկ ոչ իրենց զաւակները: Եթէ Եկեղեցւոյն Բայրութիւնուն անդամները ասոնց պէս ըլլային — ասոնց պէս ըստ ամենայնի սահմանափակ հոգեկան կենաց մէջ, ասոնց պէս զանցառու Կրօնական պարտականութիւն կատարելու մէջ, Աստուծոյ Եկեղեցին անտարակոյս պիտի քայքայուէր: Գիտե՞նք թէ այս նոյն մարդիկ կրնային ըլլալ ահագին զօրութեան տէր անձինք Եկեղեցւոյն մէջ և Քրիստոսի Արքայութեան մէջ, եթէ միայն ուղէին: Աստուծոյ Հոգին մեծապէս կ'անձկայ զանոնք իրն ընել և անոնց ամէն մէկ կարողութիւնը գործածել աղնիւ ու բարի նպատակներու: Պատրաստ է անոնց տալ իւրենց ունեցածէն աւելի առատ կեանք: Գիտե՞նք թէ անոնք պատասխանատու են իրենց գործերուն սահմանափակ ըլլալուն համար: Զեն ինչ որ Աստուծ կ'ուղէ որ ըլլան: Իրաւ է որ Քրիստոնեաներ են, սակայն ամէնէն արագինք քրիստոնեաներ: Իրենք զիրենք կը կողոպտեն, իրենք զիրենք կ'աղքատացնեն: Գիտե՞նք զայս: Սուրբ Հոգին Աստուծոյ կողմանէ անոնց մատուցուելուն համար իրենց մէջ ունին կարելիութիւններ Քէրի մը, Հառուըրտ

մը, Լուտեր մը, Ֆրէնսէս Ռիտլի Հէվէկալ
մը, Մատամ կիւյոն մը ըլլալու։ Քրիստոն-
եայ բարեկամներ, այս մասին տակաւին մեր
մէջ գիտութիւն մուտ չէ գտած։ Տակաւին
շենք դիտեր թէ ի՞նչ է Աստուծոյ սիրտը այս
մասին, կամ թէ ի՞նչպէս կը վշտացնենք Աս-
տուծոյ Հոգին և կը մարենք Աստուծոյ Հո-
գին։ Աստուած կը տենչայ Եկեղեցիներու՝ ո-
րոնց միջոցաւ կրնայ գործել, և քրիստոնեայ
մարդոց ու կանանց՝ որոնց միջոցաւ կրնայ
գործել։ Աստուծոյ Հոգին կաշկանդուած է
սուրբ, հաւատարիմ, անձնուէր քրիստոնեա-
ներու չգոյութեան համար, վասն զի ասոնց
մէջ և ասոնց միջոցաւ կը գործէ։ Ո՞հ, ի՞նչ-
պիսի մարդիկ և կանայք պիտի ըլլայինք եթէ
միայն թոյլ տայինք որ Աստուած ձեւը մեզ,
լեցնէր մեզ, գործէր մեր միջոցաւ։

Մեր կարօտութիւնն է Աստուծոյ իր Հո-
գիով մեր մէջ բնակիլը։ Մեզմէ լաւագոյն-
ները շատ շուտ Հոգիէն մղուած են կրօնա-
կան կենաց մէջ, և ոչ Հոգին լցուած։ Լաւա-
գոյն է Հոգիէն մղուիլ Քան Հոգւոյն հետ
երբեք գործ չունենալ, սակայն Հոգին լց-
յոյժ լաւագոյն է քան Հոգիէն մղուիլ։ Յայն-
ժամ մեր էութեան խորութիւնները կ'ազ-
դուին և կ'ըլլանք խորահոգի։ Յայնժամ կ'ըլ-

լանք եկեղեցւոյն համար նախանձաւոր։ Յայն-
ժամ մեր պարտաւորութիւնը առանձնաշնոր-
հութեան կը փոխուի։ Յայնժամ իբրև քրիս-
տոնեայ գոյութիւն ունենալէ աւելի բան մը
կ'ընենք, ի՞ապէննու, կ'ապրինք մեր բնութեան
լաւագոյն մասերուն համաձայն։ Կ'ապրինք
ներսէն, և ոչ դուրսէն։ Ոհ, մեծ տարբե-
րութիւն կայ Հոգւով չներգործուող քրիս-
տոնեային և Հոգին լցուած որէունեային մէջ-
տեղ։ Անոնց մէջտեղ նոյնչափ տարբերութիւն
կայ։ Որչափ կայ Էտիսընի մեքենայ մարդուն
և այն մարդուն մէջտեղ զոր Աստուած ստեղ-
ծած և անոր մէջ կենդանի հոգի մը չնչած
է։ Կ'ըսուի թէ եթէ Էտիսընի գործատեղին
այցելենք, դուռը պիտի բացուի և պիտի գայ
երիտասարդ մը, որ մեզ պիտի ողջունէ քա-
ղաքավարական խոնարհութեամբ մը, և ըսէ
“Բարի լոյս,” և յետոյ ժամացոյցը պիտի հա-
նէ և ըսէ մեզի թէ ժամը քանին է։ Անոր
մէջ կայ ձայնագիր մը։ Այդ մարդը բոլորո-
վին կը բաղկանայ զսպանակներէ և թելերէ
և գալարուած թելերէ, և ուրիշ բաներէ ալ
զորոնք Էտիսըն դիտէ։ Սենեակին մէջ կան
աչքերէ ծածկուած ելեկտրական բախոց-
ներ, տախտակամածին և կարասիներուն մէջ
կան ելեկտրական տախտակներ ու կոճակներ,

և այս էակը կը շարժի և կը խօսի այս բոլոր զարմանալի մերենաներուն միջոցով՝” Զարմանալի է այս մետաղեայ մարդը, և զարմանալի են անոր ըրած բաները, սակայն մարդ չէ նա: Երբեք արժէք չունի բաղդատա մամբ իտիւրնի զոր Աստուած ստեղծած է: Արդ, որչափ մեծ որ է կենդանի մարդուն և ելեկտրականութեամբ շարժող և խօսող մարդուն տարբերութիւնը, նոյնչափ մեծ է Սուրբ Հոգւոյն զօրութեամբ լեցուած քրիստոնեային և Սուրբ Հոգին չունեցող քրիստոնեային տարբերութիւնը, իր մէջ Պէնտէկոստէ մը ունեցող քրիստոնեային և Պէնտէկոստէ չգիտցող քրիստոնեային տարբերութիւնը:

Սակայն յիշելու եմ ուրիշ պայման մը որ Աստուծոյ զօրութեան Հոգին ընդունելու համար անհրաժեշտ է:

Այդ պայմանը սա է.

2 Մէր հոգիներուն մէջ ինսոր զբանուր ունեն ճը իւնալու և յեւս բերելու Աստուծոյ Հոգին և անոր զբանուրնենը:

Սա գիտութիւնը թէ հնարաւոր է Աստուծոյ Հոգին առնել՝ արժէք ունի ցորչափ փափաք յառաջ կը բերէ: Այն վայրկեանին երբ եփեսացի տասներկու աշակերտները տեղե-

կացան Պէնտէկոստէին՝ փափաքեցան Պէնտէկոստէի: Եւ այն վայրկեանին երբ փափաքեցան Պէնտէկոստէի՝ Աստուած տուաւ անոնց Պէնտէկոստէ:

Այս մասին փափաք հաւասար է անոր կատարման մասին Աստուածային մարդարէութեան: Աստուած իր լաւագոյն պարզեները բռնի չտար մեզի: Արդարեւ, Աստուած բռնի ոչինչ կու տալ մեզի: Մեզ ստեղծած է աշատ էակները, մեզ օժտած է կամքով մը, միշտ մեզի հետ կը վարուի իրեւ աղատ էակներու հետ, և միշտ կը յարդէ մեր կամքը: Եթէ չես ուզեր ստանալ Հոգւոյն զօրութիւնը, այդ զօրութիւնը երբեք պիտի չտանաս:

Ի տես սա իրողութեան թէ փափաք էական է զօրութեան Հոգւոյն մեր մէջ բնակելուն, մեզի համար այս մասին մեծագոյն կարևորութիւն ունեցող ինդիրն է թէ ի՞նչ էն ի՞նչ: Ժէ հոգիներուն մէջ ժակարտ բանինեւ լի Աիան մէկ եղանակ կայ զոր ժամանակ ունիմ հիմա մէջ բերել, և այդ եղանակն է Ապրեւ անոնց հետ որ իշ ժակարտ Հոգւոյն, և առաջած էն Հոգին:

Փափաքը վարակուած անդին ունի: Թող հասարակութեան մէջ մարդու իր բոլոր սրտով փափաքի բարը պարագագութիւն, և հա-



զարաւոր ուրիշներու ալ փափաքիլ պիտի
տայ նոյն պարգևին ։ Փափաքը վարակիչ բնու-
թիւն ունի ։ Եփեսացի տամներկու աշակերտ-
ները Պէնտէկոստէի մը փափաքով վառուե-
ցան, մտքով երուսաղեմի այդ պատմական
վերնատան մէջ գտնուող աշակերտներուն
հետ շփման մէջ դրուելով։ Պօղոս պատմեց
անոնց թէ ի՞նչպէս Յովհաննէս Հոգւով լեց-
ուեցաւ, Պետրոս Հոգւով լեցուեցաւ, և Մա-
րիամ ու Ստեփանոս Հոգւով լեցուեցան. և
յետոյ պատմեց անոնց իրեն պատահածը և
թէ ի՞նչպէս Հոգին իրեն վրայ իջաւ։ Պատ-
մեց անոնց թէ այս բոլորը ի՞նչ կրցան ընել
Հոգւոյն զօրութեամբ, և թէ Հոգին ի՞նչ ե-
ղած էր անոնց համար, և արդիւնքը սա ե-
ղաւ որ Եփեսացի տամներկու աշակերտները
ըսին, "Ոհ, երանի՛ թէ Սուրբ Հոգին մեր մէջ
ալ բնակէր"։

Եթէ Եփեսացի տամներկու աշակերտնե-
րուն պէս կ'ուզենք ստանալ այն փափաքը որ
օրհնութիւն պիտի բերէ մեր վրայ՝ մեր ան-
ձերը հպման մէջ դնելու ենք անցեալ դա-
րերու այն մարդոց և կանանց հետ որ Աս-
տուծոյ Հոգւոյն շնորհիւ Քրիստոսի դատը մեծ
աշխուժիւ յառաջ տարած են անցեալ դա-
րերու մէջ։ Անոնց հետ այնքան սերտ յարա-

բերութիւն ունենալու ենք՝ որ կատարելապէս
ճանշնանք զանոնք ։ Վասն զի եթէ ճանշնանք
զանոնք, պիտի սքանչանանք անոնց վրայ, և
երբ սքանչանանք անոնց վրայ, պիտի ցան-
կանք անոնց կեանքերուն և այն ազգիւրին
որմէ բղիսեց անոնց կենաց կորովը։ Այս կեր-
պով կրնանք տեսնել թէ ի՞նչ բաներ հնարա-
ւոր են մեզի համար։

Անցեալ շաբթու ինքնիրենս ըսի, "Պիտի
այցելում Աստուծոյ մարդոց որ Աստուծային
զօրութեան ազգիւր ճանցուած են Եկեղեցւոյ
պատմութեան մէջ։ Պիտի քննեմ թէ ի՞նչպէս
կարողացան Հոգին ընդունիլ, և պիտի քննեմ
թէ Հոգին ի՞նչ էր անոնց համար։ Բացի նախ
Սկզբանի Պատմութիւնը և դարձայ այն էջին
որ կը պատմէ Շոթթափ Եկեղեցւոյն մէջ տեղի
ունեցած արժնութեան վրայով։ Հոն Սուրբ
Հոգւոյն զմարդիկ դարձի բերելու կարողու-
թեան յայտնի արտայայտութիւն մը եղաւ։
Երիտասարդն ձոն Լիվինկսդըն այդ արթնու-
թեան ատեն կը քարոզէր։ Այնքան մեծ էր
անձին անարժանութեան մասին իր զգացումը
որ երբ տեսաւ ունկնդիրներուն հետզետէ
խոնութիլը՝ որոշեց չքարոզել։ Զգաց թէ չէր
կրնար քարոզել։ Մինչև անդամ այնչափ յա-
ռաջ գնաց որ սկսաւ քալել, Եկեղեցիէն

եաներ։ Ո՞վ կընայ կարդալ այդ պատմութիւնը
և Աստուծոյ Հոգին ընդունելու չփափաքիւ։

Յետոյ կարդացի ձոնաթան Էտուըրազի
հռչակաւոր քարոզին պատմութիւնը։ Այդ
քարոզը խօսուեցաւ Մասաշուսեցի Էնֆիլտս
քաղաքին մէջ գումարուած արթնութեան
ժողովի մը մէջ։ Նւիթն էր, “Մեղաւորներ
բարկացած Աստուծոյ մը ձեռքը։” Միշտ իր
ձեռագիրէն կը կարդար։ Դուն ուրեք աչքը
կ'ուղղէր ունկնդիրներուն։ Երկայնահասակ էր
և բարակ, և վար և յառաջ կը ծռէր կար-
դացած ատեն, իր ձեռագիրը տեսնելու հա-
մար։ Գրեթէ ընաւ շարժում չէր ըներ։ Իր
ձայնը թէե յստակ՝ չէր զօրաւոր։ Արդարեւ
մարդկային ճարտասանութեան հրապորը չէր
որ կը շարժէր ունկնդիրները։ Սակայն անտա-
րակոյս մեծ զօրութիւն մը կար հոն։ Ունկն-
դիրները մի առ մի ելան, մինչև որ գրեթէ
բոլոն ալ ոտքի վրայ էին, և անոնցմէ շա-
տերը իրենց առջեկի նստարանները կը բռնէին
և կը դողային։ Հարիւրաւորներ մեղքերնին
խոստովանեցան այդ քարոզին ազդեցութե-
նէն։ Աստուծոյ զօրութիւնը հոն էր։ Քրիս-
տոսի ո՞ր պաշտօնեան կընայ կարդալ սոյն
տեսարանին վրայով առանց դոչելու, “Ոհ,
ի՞նչ մեծ է Հոգւոյն զօրութիւնը։”

դուրս ելելու համար։ Սակայն Աստուծոյ Հո-
գին արգելեց զնա և հրամայեց անոր որ ետ
դառնայ և կատարէ իր պարտականութիւնը։
Հոգին արգելեց զնա անոր հոգւոյն մէջ ներար-
կելով այն հին հարցումը զոր Աստուած Հին
կտակարանին մէջ ուղղեց իր Ուխտին ժողո-
վուրդին, իսրայէլի, երբ անոնք անդամ մը
վհատութեան մէջ ինկան։ Այդ հարցումը սա
էր. “Միթէ ես անապատ եղայ քեզի։” Այդ
հարցումը զոր ըրաւ Սուրբ Հոգին՝ Լիվինկա-
դընի հոգւոյն խորը թափանցեց, և նա երեսը
երկինք վերցնելով ըստաւ, “Ոչ, Տէր, ինձի
համար երբեք անապատ եղած չես։ Միշտ
եղած ես Եղեմ մը, կատարեալ Դրախտ մը։
Միշտ եղած ես Քանան մը, ճշմարիտ Աւետ-
եաց Երկիր մը, կաթ ու մեղը բղխող Երկիր
մը։ Իմ անձէս կ'ամչնամ։ Քու զօրութեանդ
վրայ կատարեալ վատահութեամբ ետ պիտի
դառնամ և քարոզեմ քու Ճշմարտութիւնդ։
Միայն թող Հոգւոյդ զօրութիւնը ընկերանայ
իմ քարոզութեանց։” Հէթէրինկթըն, իր
Ակովտիոյ պատմութեան մէջ, կը պատմէ թէ
անդամ մը երբ քարոզեց՝ իր ունկնդիրներէն ոչ
նուազ քան հինդ հարիւր հոգիի վրայ տես-
նուեցաւ յայտնի փոփոխութիւն մը, և նոքա այ-
նուհետև շարունակեցին ըստալ կենդանի քրիս-

թետոյ կարդացի Ուկտֆիլտի, Ուէսլիի և
Ֆիննիի կենսագրութիւններէն մասեր = զեմ
կրնար հոս մանրամասնութեանց մտնել, սա-
կայն սա ըսելու եմ թէ այս մարդիկ գոր-
ծածուեցան Աստուծոյ կողմէ, վասն զի ան-
ձերնին բոլորովին Աստուծոյ յանձնեցին եր-
բեք բան մը իրենց չպահելով, և ընդունեցին
Հոգին, վասն զի բոլորն ալ Հոգւոյն կը փա-
փոքէին եռանդով մը որ չէր կրնար մարդիլ
և որ ոչ մի զոհողութենէ կը քաշուէր :

Անցեալ շարժուան կարդացածս զիս զար-
մանալի կերպով շարժած է և հոգիս այնքան
լեցուցած է Աստուծոյ Հոգւոյն փափաքով՝ որ
ձեզի կ'ըսեմ իմ կատարեալ փորձառու-
թեամբս թէ, եթէ կ'ուզէք ձեր սրտին մէջ
Աստուծածային զօրութեան փափաք բոնկցնել,
ձեր անձերը հպման մէջ դրէք Աստուծոյ այն
մարդոց ու կանանց հետ որ լեցուած են
Առրբ Հոգւով, և որ գոհ սիրտ ունին վասն
զի այսպէս լեցուած են, և որ ճիշդ ասոր
համար աշխարհի մէջ հոգեոր զօրութեան
տէր անձինք են : “Երանի անոնց՝ որ անօթի
ու ծարաւ են արդարութեան, ինչու որ ա-
նոնք պիտի կշտանան :”

Երրորդ պայման մըն ալ կայ մեր մէջ
բնակող Առրբ Հոգւոյն լիակատար զօրու-

թիւնը վայելելու համար : Սա է այդ պայ-
մանը .

Յ. Ան նու որ Հոգւոյն հակառակ է, հանուելու
է մը կեանելուն, և ամէն նաև արարացաս ընելու նու+
Հոգւոյն : Թայլ բալու են+ անոր որ մէլ հրահանէն .
մն+ վն+ ինար հրահանէլ զն+ :

“Այս յեղաշրջական է,” կ'ըսէք . այս,
այդպէս է : Եւ սակայն այս է գինը որ վճար-
ուելու է Հոգւոյն համար : Ուրիշ ճամբայ
չկայ : Կամ զայս վճարել կամ Հոգին ըն-
դունիլ : Հոգին ընդունիլ է Աստուծոյ Ար-
քայութեան մէջ բոլորովին անպիտան ըլլալ=
լաւ գիտցէք նախ՝ սա թէ “Աստուծած մրցա-
կեցներ պիտի չունենայ :” Լաւ գիտցէք երկ-
րորդ՝ թէ “Աստուծած երբեք մէկուն տուած
չէ իր զօրութեան Հոգին որ զայն ստանալու
համար ամէն բան ծախելու պատրաստ վի-
ճակին հասած չէ :” Այս է ամենէն մեծ և
փառաւոր պարզեը զոր Աստուծած կրնայ տալ
մեղի : Լաւ գիտցէք, երրորդ՝ թէ “Զէք կրնար
ծառայել Աստուծոյ ու Մամնայի :” Ասոնք
խորհրդաւոր են : Մեզի հարցումներ ընել
կու տան : Խիստ եղբակացութեանց կ'առաջ-
նորդեն զմեզ :

Որինակի համար, հոս կայ կին մը, որ
ինքինք քրիստոնեայ կը դաւանի, ընկերու-

թիւնը շատ կը սիրէ, պճնասէր է, պարա-
հանդէմներու և հացկերոյթներու խորհուրդ-
ներով զբաղած, հաճոյասէր, կ'ապրի եկե-
զեցիէն դուրս, մաս չունի բարեսիրական ըն-
կերութեանց գործին մէջ որ այսօր կը կա-
տարուի Աստուծոյ՝ քրիստոնեայ կանանց առջև
բացած դաշտերուն մէջ։ Այս կնոջ միտքը
կը գործէ այս առաւօտ։ Կը քննէ այս խոր-
հուրդները զորս կը ներկայացնեմ, և եղրա-
կացութիւններ կը հանէ անոնցմէ։ Անկեզծ է,
արդարասէր է, ուղղախոհ է, փայլուն և
մտացի է, մեր խնդիրը լաւ կը հասկնայ։
Ահա եղրակացութիւնը որուն կ'առաջնորդէ
զինք իր տրամաբանութիւնը։ Եթէ Սուրբ
Հոգւով լեցուիմ, ամբողջ կեանքս պիտի յե-
ղաշընուի Ա. Էն մինչև Ք։ Պիտի փոխէ իմ
ծախքերուս գումարը։ Պիտի փոխէ հագուս-
տիս ձևը։ Պիտի փոխէ իմ առանին կեանքս։
Պիտի փոխէ ընկերներս, փափաքներս, ճա-
շակներս և ժամանակ անցընելու կերպս։
Պիտի ստիպէ զիս նոր տեսակ զբաղումներ
ունենալ։ Զիս բոլորովին նոր կին մը պիտի
ընէ։ Յաւիտեան և անդառնալի կերպով պի-
տի արդելէ զիս շարունակել ընկերական
զբուսանքներու առաջնորդ ըլլալու պաշտօնս։
Այս, սիրելի կին, այդ բոլորը պիտի ընէ։

Երբեք մէկը տեսած չէ ընկերական ակումբ-
ներու մէջ փայլող կին մը որ միւնոյն ատեն
ըլլայ նաև Սուրբ Հոգւով լեցուած։ Եղրա-
կացութիւնդ տրամաբանական է ու ճշմարիտ։
Միակ հարցումը զոր պիտի ընես սա է։ “Յօ-
ժա՞ր եմ այդ գինը վճարել աշխարհիս մէջ
Աստուծոյ մէկ զօրութիւնն ըլլալու համար։”
Աստուծո՞ծ, թէ Մամոնան։ Կամ մին պիտի
ունենաս, կամ միւսը։ չես կրնար երկուքը
մէկտեղ ունենալ։ “Խաչը հանէ” խօսքը կեր-
պով մը կեանքիդ մէջ մննելու է, եթէ
կ'ուզես լիովին հետեւիլ Յիսուս Քրիստոսի։

Օրինակի համար, հոս կայ մարդ մը որ
այդ կնոջ պէս կը մտածէ, և նոյնօրինակ
եղրակացութեան մը կը հասնի։ Իր եղրակա-
ցութիւնը սա է։ Անկարելի է ինծի Հոգւոյն
զօրութեամբ լեցուիլ ցորչափ կը շարունակեմ
ներկայ կեանքս։ Աշխարհ ինծի համար ամէն
բան է։ Կենաց մէջ առաջին նպատակս է
ստակ դիզել, և ստակ դիզել ինծի համար։
Կը սիրեմ հարստութեան տուածը այսօր։
Մարդուս յարգանք կը բերէ։ Անոր առջև
պաշտօններ կը բանայ։ Անոր ձեռքը զօրու-
թիւն կը դնէ։ Ճամբորդելու կարող կ'ընէ
զնա։ Անոր կու տայ հեշտութիւններ։ Ստակը
ամէն բանի կարող է։ Հիմակուան պէս պիտի

չկրնամ խորհիլ, հաւատալ, սիրել և գործել
եթէ Աստուծոյ Հոգին ընդունիմ:

Ոչ, չես կրնար: Յիսուս կ'ըսէ թէ աշ-
խարհս չկրնար ընդունիլ Հոգին: Յորչափ աշ-
խարհիս մէջ կ'ապրիք և աշխարհէս էք,
անշուշտ չէք կրնար ընդունիլ Հոգին: Սուրբ
Հոգւով լեցուած մարդը Աստուծոյ համար և
Աստուծոյ հետ կը գործէ: Զափազանց փութ-
կոտ է գործի մէջ, սակայն չափազանց փութ-
կոտ է նաև ստակ շահելու, որպէս զի ծախսէ
Աստուծոյ համար և հոգիներու փրկութեան
համար: Նա այնպիսի մարդ մըն է որ կը
հաւատայ թէ ստացուածքը ինչպէս որ իրա-
ւունքներ ունի՝ նոյնպէս ունի նաև պարտա-
կանութիւններ: Իր հարատութիւնը արժէքա-
ւոր կը համարի միայն վասն զի կրնայ գոր-
ծածուիլ աւետարանչական նպատակներու:
կ'ըսէ իր անձին. “Աստուած զիս պատասխա-
նատու կը բռնէ ազդեցութեան ամէն մէկ հիւ-
լէի համար զորս ունիմ, ինչպէս, դրամական
ազդեցութիւն, ընկերական ազդեցութիւն,
մոռաւորական ազդեցութիւն:” Քրիստոնեայ
բարեկամո, երբ թոյլ կու տաս որ ստակ
գիղելը քու և Աստուծոյ զօրութեան ստաց-
ման մէջտեղ կայնի վերջին աստիճան յիմա-
րական գործ մը կ'ընես: Հարստութիւնը ու-

րիշ ի՞նչ առաւելութիւններ որ ունենայ, ան-
ցաւոր է: Եթէ քեզմէ չբաժնուիր, դուն
անկէ կը բաժնուիս: Կարճ ժամանակ կրնաս
վայելել զայն: Ժամուան մը հիւանդութիւնը
կրնայ քեզի համար անարժէք ընել զայն:
Ծերութիւնը վրադ կը հասնի, կ'ունենաս
կաթուած, յօդացաւութիւն, դժուարամար-
սութիւն և անզօրութիւն, և յայնժամ հա-
րըստութիւնը աչքիդ չերևնար: Ի՞նչ էր հա-
րըստութիւնը բերզիլիի համար: Ոսկի պէտք
չէ որ ըլլայ արժէքի չափդ: Աստուծոյ զա-
ւակը ոսկով լեցուն քսակը ամէն բանէ վեր
դասելու չէ: Գիտէք այն հին պատմութիւնը
թէ Քրիստոսի քսակը որո՛ւ ինկաւ երբ Քրիս-
տոս կը բաժնէր իր երկրաւոր ստացուածքը:
Այս պատմութիւնը կը հաղորդուի հին ա-
տենուան աստուածաբաններէն, որոնք միշտ
ամէն բան կ'արտայայտէին ճարտարութեամբ
և նոյն ատեն լայնութեամբ: Սա է այդ հին
պատմութիւնը. “Փրկիստոս իր զգեստները
թողուց զինուորներուն, իր մայրը թողուց
Յովիաննէսի, իր ներումը՝ զղջացող աւազա-
կին, իր խաղաղութիւնը՝ իր աշակերտներուն,
Սուրբ Հոգւոյն մասին իր խոստումը՝ բոլոր
անոնց որ կը փափաքին և կը սպասեն անոր,
սակայն իր քսակը թողուց Յուղայի:” Դուք

Թը պիտի ընտրէք . միայն +***+ Այդ ամենէն չնշինն է : Այդ կը յարմարի Յուդա իսկարիովտացիին : Այդ հակոտնեան է զօրութեան Հոգւոյն ներգործութեան :

Այս խորհուրդներէն կը նշմարենք պատճառը թէ ինչո՞ւ Քրիստոնէական Եկեղեցւոյն մէջ չբնակիր Աստուծոյ Հոգին ու Աստուծոյ զօրութիւնը : Նորաձևութիւնը անոր դէմ կը փակէ դուռը : Աշխարհասիրութիւնը կը փակէ դուռը : Աստուծոյ ժողովուրդը ըստ բաւականին անձնատուր եղած չեն Աստուծոյ : Եկեղեցւոյ անդամներուն մեծամասնութիւնը կը բաժնուին երկու կարգի, որոնք վայելչապէս կոչուած են “Աշխարհասէր Սուրբ” և “Բոլորովին Աշխարհասէր” : Այդ երկու կարգերը իրապէս մէկ են : Եկեղեցին Աշխարհին մէջ է, և Աշխարհը Եկեղեցւոյն մէջ է : Անոնց մէջտեղ չկայ իրարմէ բաժնող լայն միջոց մը : Եթէ Աստուծոյ Հոգին մեր մէջ կը գործէ այսօր, զմեզ դժգոհ պիտի ընէ իրաց այն պիտի վիճակէ : Մեղ պիտի լեցնէ սուրբ անհանգստութեամբ մը մեր ապրելու եղանակին հանդէպէ : Մեղի պիտի զդացնէ մեր օտարացումը Աստուծմէ : Մեղի պիտի ցուցնէ թէ ո՛րչափ քիչ բան կ'ընենք, և ո՛րչափ չենք նուիրագործուած Քրիստոսի : Մեղի պիտի ցուցնէ մեր օտարացումը Աստուծմէ : Մեղի պիտի ցուցնէ թէ ո՛րչափ քիչ բան կ'ընենք, և ո՛րչափ չենք նուիրագործուած Քրիստոսի :

տի ցուցնէ թէ ի՞նչ կրնայինք ընել և ի՞նչ կրնայինք ըլլալ : Յետոյ պիտի դայ զոհողութիւն ընելու, և Սուրբ Հոգւոյն զօրութիւնը ընդունելու փափաք, տենչանք, ըղձանք և յօժարութիւն :

Նորաձևութեան և աշխարհասիրութեան վրայ խօսեցայ իբրև Աստուծոյ Հոգւոյն մեր անձերուն մէջ բնակելը արգելող բաներու վրայ : Ուրիշ արգելք մըն ալ կայ զոր կ'ու զեմ յիշել : Ասոնցմէ բոլորովին տարբեր է, սակայն անոնց չափ հասարակ է, և բաղդատաբար անպիտանութեան մատնած է շատ կեանքեր որ կրնային ըլլալ աշխարհիս մէջ պայծառ լոյսեր Աստուծոյ և մարդոց համար : Այդ արգելքը սա է . Երկրայութիւն և երկչութիւն և չափազանց համեստութիւն Աստուծոյ համար աշխատելու մէջ և կատարելու մէջ այն գործը զոր կրնանք կատարել և մեր պարտականութիւնն է կատարել : Շատ տաղանդներ այս կերպով թաշկինակներու մէջ ծրարուած կը պահուին, և շատ կարողութիւններ այսպէս կը կաշկանդուին, և շատ լոյսեր այսպէս կը մարուին : Պընեան կը ցուցնէ զայս Եկեղեցւոյն՝ երբ կը ներկայացնէ Սատանան, Ամօթը, այդ ժպիրհ և համարձակ էակը, իբրև իր գիրքին մէջ գեր ունեցող անձերէն

միոյն վրայ ներգործող։ Ամօթը արգելեց այս Քրիստոսի հետեղին ամէն քայլը զոր նա ջանաց առնել։ Կաշկանդեց զնա ամէն արարքի և բարի գործի մէջ զոր նա կը փափաքէր կատարել։ Տիկին Պութհ “Վկայութիւն Տալ” անուն իր գրած տետրին մէջ, գլուխ մը կը յատկացնէ իր փորձառութեանց որ ճիշդ տեղն է հոս յիշել։ Այդ համարձակ էակը, Ամօթը, գրեթէ բոլոր կենացը մէջ ամլութեան դատապարտած է իր կարողութիւնները։ Սակայն և այնպէս, այդ կինը անոր յաղթեց գիշեր մը Լոնտոն իր ամուսնոյն մատուին մէջ։ Շատ անդամներ որոշած էր ելել պատմել թէ ի՞նչ եղած է Քրիստոս իրեն համար և ի՞նչ ըրած է իրեն համար։ Սակայն, թէպէտ շատ անդամ ջանաց, չկրցաւ իր սրոշումը գործադրել։ Այդ գիշերը յաղթութիւնը շահեցաւ։ Ի դարմացումն իւր և ի զարմացումն ամենուն, ոտքի վրայ երաւ և սկսաւ խօսիլ։ Զէր գիտեր թէ ի՞նչ կ'ըսէր, սակայն ամէն մարդ զգածուեցաւ։ Իր խօսքերը այդ մատրան մէջ հոգեսոր արժմութեան մը ծնունդ տուին։ Սկզբնաւորութիւն մը ընելէ ետև ստիպուեցաւ ուրիշներուն պաղատանքներուն և թախանձանքներուն համար շարունակել իր խօսիլը և Տէ-

րոջը համար գործելը։ Անոր կեանքը աճեցաւ։ Անոր զօրութիւնը աճեցաւ։ Ո՛րշափ աւելի յօժարութիւն կը ցուցնէր իբրև միջոց գործածուելու, այնշափ աւելի կը գործածէր զնա Հոգին։ Նա օգնեց Փրկութեան Բանակին կազմակերպուելուն։ Գրեց այն բարեպաշտական գիրքերը որ կ'առաջնորդեն այս Բանակը իր արշաւանքին մէջ, և այս գիրքերէն ոմանք, զոր օրինակ, “Գործնական կրօնք,” “Կեանք և Մահ,” “Ժաղովրդին Քրիստոնէութիւնը,” “Աստուածպաշտութիւն,” ամենէն աւելի խոր, շարժող, Աստուածաշնչի ոգին կրող գրքերն են որ կը գտնուին իմ գրատանս դարակներուն վրայ։

Ամէն Քրիստոնեոյ պաշտօնեայ ունենալու է այս գիրքերը։ Վերոյիշեալ կնոջ կեանքը յառաջ բերաւ հազարաւորներու վրկութիւնը, և այդ կեանքը այս վրկուած հազարաւորներուն մէջ մարմնացած կը գործէ Աստուծոյ համար։

Խորհեցէք թէ այդ կեանքը անպիտան դառնալու որքան մօտեցած էր մէկ բանով մը, այն ալ անվասս սեպուած բանով մը, այսինքն Երկուտութեամբ։ Երկուտութիւնը կրնայ արգիլել զօրութեան Հոգւոյն մեղի գալը։

“Երբոր հաւատացիք՝ Սուրբ Հոգին առի՞ք

արդեօք։” Բնաբանս հարցում մըն է։ Ես ալ
մէյ մը խորհեցայ քարոզս միայն հարցումներէ
բաղկացնել, սակայն հիմա չեմ կրնար այդ-
պէս ընել։ Եւ սակայն պիտի ընեմ քանի մը
հարցումներ, ձեզի թողլով որ անոնց պա-
տասխանէք. հարցումներ՝ որ նպաստելու են
Սուրբ Հոգին ընդունելու փափաք արթնյնե-
լու, և ծնուցանելու են դժգոհութիւն մինչև
որ Սուրբ Հոգին ստացուի։

Առանց Սուրբ Հոգւոյն քրիստոնեան կրնայ
ածիլ, յաջողիլ կամ զօրանալ։ Դուք չէք որ
կ'որոշէք Հոգւոյն ներկայութեան աստիճանը։
Ե՞րբ կը մտնէ ձեր անձին մէջ, ո՞չ ապաքէն
ձեր հրաւերով. և ե՞րբ բացակայ կ'ըլլայ, ո՞չ
ապաքէն երբ անոր դէմ կը դնէք և չէք թո-
ղուր որ ձեր մէջ մտնէ։ Ինչո՞ւ անհոգու-
թեան և անտարբերութեան մէջ ինկած էք
ձեր հոգւոյն և ուրիշներու հոգիներուն նկատ-
մամբ։ Ասոր պատճառը չէ Հոգւոյն ձեր մէջ
չգտնուիլը։ Ձեր կենաց մէջ չկա՞ն զնա ար-
գելող մեղքեր, հպարտութիւն և անձնասի-
րութիւն, խոչընդուներ, ձեր ընկերական,
գործի, ընտանեկան կեանգերուն մէջ կրօնքը
խեղդող, ձեր էութիւնը, ժամանակ և ոյժը
Տէրոջմէն խոտորցնող բաներ։ Չունի՞ք զանցա-
ռական մեղքեր և ներդործական մեղքեր, ու-

բոնք կը տրտմեցնեն Աստուծոյ Հոգին։ Ձեր բո-
լոր էութիւնը լեցուած չէ աշխարհային փառա-
սիրութեամբ։ Եւ ձեր այդ վիճակէն գոհ չէք։
Ամէն մարդու համար յոյս կայ բաց ի այն մար-
դէն որ իր վիճակէն բոլորովին գոհ է։ Ով
Աստուած, մեր վիճակէն և մեր ընթացքէն
դժգոհ ըրէ զմեզ։ Ամենէն աւելի ո՞ր բանին
կը փափաքիք։ Ձեր կենաց մէջ բանի մը հա-
մար մեծապէս ծարաւի՞ էք, կամ կայ բան
մը որ վերջին աստիճան կը շահագրդուէ զձեզ։
Եթէ կայ, ի՞նչ է այն։ Ի՞նչպէս կը պաշտէք
Պատուած և կը դործածէք սրբազն բանե-
րը։ Յուրա և պաշտօնակա՞ն ձեռք մը կը գնէք
Սուրբ Գրոց վրայ, և սոսկ շրթունքներով
կ'երգէք փառաբանութիւններ, թէ ձեր Ով-
սաննաները այնչափ կը գոռան Աստուծոյ ներ-
կայութեան զարմանալի յայտնութեամբ։ Որ
կը հասնին երկնից ամենէն վերին դաւառնե-
րը և կ'արձագանդեն երկնից ամենէն մեծ
բարձրութիւններուն մէջ։ Ի՞նչ ընթացք ունե-
ցած էք քրիստոնէական աշխատութեան հան-
դէպ։ Ո՞վ ստացած է լոյսը ձեզմէ։ Ձեր շուրջը
գտնուող մարդոց և կանաց ի՞նչ կու տաք
ամէն մէկդ։ Աստուածպաշտութեան մասին ի՞նչ
ազդեցութիւն բանեցուցած էք անոնց վրայ։
Ի՞նչ կը հասկաք սա պատուէրէն։ “Քրիս-

տոսի Աւետարանին համեմատ քալեցէք։”

Աստուծոյ Խօսքը քրիստոնեաները “նոր ըստեղծուած” ներ կը կոչէ . “նոր ստեղծուած” մըն ես դուն : Ի՞նչ մասին նոր ես : Ի՞նչպիսի է քու անձիդ նուիրումն առ Աստուծոյ : Ո՞նձիդ նուիրումը կատարեալ է թէ յապազումներով ու պայմանադրութիւններով լեցուն է : Անկեղծօրէն կը փափաքիս այսօր Աստուծոյ հետ նոր ուխտ մը ընել . և եթէ կը փափաքիս, միտք ունիս հին ուխտդ բարեփոխել : Ի՞նչ կերպով անձդ Աստուծոյ յանձնած ես : Մատամ կիյոն Աստուծոյ անձնատուր ըլլալու սա ձեզ պատրաստած է . Ո՞հ, ինձի մի խնայեր, ով Աստուծ , ինձի ըրած պահանջումներուդ մէջ : Զկայ բան մը զոր յօժար չըլլամ զոհել և տալ քեղի :” Կրնա՞ս դուն ալ նոյն ձեռվ Աստուծոյ անձնատուր ըլլալ : Երբեք խորհա՞ծ էք թէ ի՞նչ է Հոգւով լեցուողներուն վարձատրութիւնը, անոնց ունեցած պատիւր, անոնց անշահախնդրութեան տուած բերկրութիւնները, անոնց կենաց արգիւնքները, անոնց ապագան, անոնց պսակը, անոնց գահը, անոնց պատմուճանը : Պատասխանեցէք այս հարցումներուն և ասոնք պիտի օգնեն ձեզի տեսնել բնաբանիս հարցման կատարեալ իմաստը :

Վերջին ըսելիք մըն ալ ունիմ : Սա է . Աղօթեցէք որ Սուրբ Հոգին ձեզի գայ :

Օրուան կարօտութիւնն է Սուրբ Հոգւոյն սրբազն հուրին վառիլը մարդոց սիրտերուն մէջ, արծարծիլը մարդոց ըղեղներուն մէջ, բարախելը մարդոց զգացմանց մէջ, թրթուալը մարդոց լեզուներուն մէջ, փայլիլը մարդոց երեսներուն վրայ, ճօծիլը մարդոց արարքներուն մէջ, շղզողիլը մարդոց խորհուրդներուն մէջ և սուրբ ու փրկարար շանքերու վերածելը անոնց բոլոր կարողութիւնները : Աղօթեցէք այս սրբազն հուրին համար, վասն զի աղօթքը — սրտագին հաւատքով և յարատե աղօթքը — Սուրբ Հոգին ընդունելու պայման մըն է : Յիսուսի աղօթած միջոցին էր որ երկինքը բացուեցաւ և Աստուծոյ Հոգին աղաւնակերպ իջաւ անոր վրայ հանգչեցաւ, և ըրաւ զնա զօրութեան Քրիստոսը, և խաչին Քրիստոսը, և փորձութեան Քրիստոսը : Երուսաղեմի վերնատան մէջ հարիւր քսան աշակերտներուն աղօթած միջոցին էր որ Հոգին իջաւ անոնց վրայ և բոլորն ալ լեցուեցան Սուրբ Հոգւով և Աւետարանը քարողեցին և աշխարհը Քրիստոնեայ ըրին : Քրիստոսի աղօթքին նման, հարիւր քսան աշակերտաց աղօթքին նման, մեր աղօթքը մեզի պիտի բերէ Սուրբ

Հոգին եթէ միայն աղօթենք ինչպէս անոնք
աղօթեցին, եթէ միայն Սուրբ Հոգւոյն զօ-
րութիւնը խնդրենք ինչպէս անոնք խնդրեցին:

Որպէս զի աղօթելու շարժուինք, մեր հո-
գիներուն առջև բերենք Յիսուսի խօսքերը որ
այս նիւթին շատ կը յարմարին, — “Խնդրե-
ցէք և պիտի տրուի ձեզի, փնտռեցէք ու պի-
տի գտնէք, դուռը զարկէք և պիտի բացուի
ձեզի. վասն զի ամէն ով որ կը խնդրէ՝ կ’առ-
նէ, և ով որ կը փնտռէ՝ կը գտնէ, և ով որ
դուռը կը զարնէ՝ պիտի բացուի անոր։ Ձեզ-
մէ ով է ան հայրը՝ որմէն իր որդին հաց որ
ուզէ, միթէ քա՞ր պիտի տայ անոր։ Կամ թէ
որ ձուկ ուզէ, միթէ ձուկին տեղը օձ պիտի
տայ անոր։ և կամ թէ որ հաւկիթ ուզէ,
միթէ կարի՞ճ պիտի տայ անոր։ Ուստի եթէ
դուք որ չար էք՝ ձեր զաւակներուն աղէկ
ընծաներ տալ գիտէք, ո՞չչափ աւելի ձեր
Հայրը երկինքն Սուրբ Հոգին պիտի տայ ա-
նոնց, որ իրմէ կը խնդրեն։”





2106